

明

詩

紀

事

明詩紀事

貴陽陳田輯

辛籤

邢昉 五十五首

昉字孟貞高湏人崇禎諸生有石臼前集九卷後集

七卷

顧夢游茂綠漸集孟貞所尙在太祝蘇州隨州考功  
間上溯顏謝旁及郊島涵泳久之服駁成家矣  
漁洋詩話余最許石湖邢孟貞五言詩以爲韋柳門  
庭中人懷未及友其人官祭酒時鄉人李君令高湏  
特屬訪其子孫李至訪之則老妻稚孫燒莞孤寡餽  
粥不繼李脫贈三百金爲置腴田其家竟不知余意  
也施愚山聞之造余再拜曰某交孟貞三十年不能  
其後人之窮公與孟貞未定交而能卹其身後令  
不凍餓以死某愧公多矣至爲流涕  
池北偶談順治辛丑李退菴過揚州余造謁舟中因

論近布衣詩舉程嘉燧吳兆退菴曰終須還他邢昉

第一

施閏章愚山集孟貞詩以陶汰爲工以沖淡爲則以婉惻悲涼爲致其企而之峻潔也若病渴者之思清冷其厭穠縕而引避也若見泥豕而負塗而紓袖之蒙糞士也故其詩清越無纖埃人病之爲郊寒島瘦不恤也觀其所長則既與錢左司劉驍州伯仲矣孟貞嘗謂余曰剝盡今人面皮斯成古人讀其集信然宋華西陂類橐孟貞詩庚清悲壯山峙雲涌多溫厚之遺無怨謔之失具體少陵而出入韋孟錢劉以發其菁華才兼眾體誠名家也田按孟貞論詩謂漢魏不可爲唐人惟不爲漢魏故能臻於極孟貞五言取徑唐人而時涉宋柔筆籬以幽秀淡宕爲宗得儲韋之自然兼韓孟之刻厲明季布衣詩邢昉第一徇爲確論

### 夜宿石門

越山青至天越水綠如玉鱗霞盈一溪落日徇幽谷緬懷古昔人結綬膺良牧沈涵山水遊放浪石門宿顏色不可見思

踏嶺上躅風榛寂遠聽廟戶引高歌一宿詎能忘厯覽亦已  
足霏霏巖下泉飲啜共野鹿

雜詩

幼安昔避地茫茫涉廣川踰海不謂遠一去四十年往往談  
名理亹亹造深立間所與談誰乃是公孫淵口罔論世事聊  
此相周旋龍德旣無損清風久逾宣生世偶相符其當師此  
賢

和汪希伯雨後田家作

涼雨霑禾黍晚風亦徐生林木發華滋乃得佳樹情老農朝  
荷鋤忻茲茅檐晴出門旣有事仰見浮雲征孤雲有卷舒予  
亦鋤且耕

上翠微嶺訪煉丹臺三皇井觸熱至白雲菴是楞嚴安禪師道場

曉煙開眾壑嶺表延炎暉訪古荒臺下軒皇迹已微井渫尙未改精廬明雙扉冥冥磨礐境杳杳人跡稀昔聞道場鼓花雨飄一園世外猶寂寞白雲空霏霏

由玄通洞至梅雨潭觀瀑

出洞逕已絕恍惚迷所往仰觀石壁峻近見數峯聳猱獮伏兕守使轉騰猿上砰鑿梅雨潭素雪霏蕭爽岸開一流奔氣冷浮雲漭乍疑節候殊更疑天地廣回轉得前路始聞屐齒響笑謂同遊人誰能共俯仰

游墅乘迅風一日至嘉興作

江路忽綿邈惆悵東風前微茫歷吳縣水上開寒煙夜潮漲  
溪綠夾岸桃花然雲昏天欲雨一鳩鳴桑田越溪轉空朗百  
里輕洄沿新林吐微月晚色猶澄妍孤舟正寥落況復聞扣  
舷

龍友置酒江心寺避暑與無補各賦五首

錄一

蕩舟入江嶼輕橈撥淺瀨羣木秀高岸條與長風會東南渺  
何許曠然白雲外至夜海色來蕭條有餘慨

段橋

橋北峯巒翠橋南泱漭春因看外湖水分映六橋人煖日榮  
絲柳微波鳥細蘋海雲遙聚散寺閣迴嶙峋鳥度聞橫蓬魚  
驚避采蓴沿流去何所杳杳落花津

泛臨江作

南登仙人巖載汲三皇井既以思邃古復此懷幽屏燧燧巖  
下芝可以駐迅景兜虎相叫嗥欲采道路梗朱鳳儼不食粟  
麥延鳬頸人寢不可處悵望三山影

古興二首

北風捲枯葉飛鳥各斂翼陽光忽西墜奔獸向我擲疑寒盛  
肅殺萬類莫能息我胡亦復然東西事行役道傍有死人已  
供烏鵲食生者不自保徒爲死者側

漢道昔再盛投戈息羣姦矯梁夫子浩歌乃出關舉目覽  
四海慨慨涕淚湲我方遭世亂安能辭險艱常恐白日速不  
覩大運還永隨霜與雪泯滅蓬蒿間

由金壇過見末田舍作

五載隔君廬依依辨林木帆帶甓橋煙舟行石塘曲扣戶寂  
無人荆扉日日闌髻山雨初暗長蕩水如環雨多林氣溼薄  
霽閒清晝閒扉指稻田伏几看禾秀聞君時抱犧且夕爲饗  
殯舊穀幾時斷中男昨歲婚雖復少餧粥新詩每逾帙舒卷  
自悠悠孤雲澹無迹

五平五仄體

空林雲方生廣澤月已冷松間通微明露下溼練影枯榛聆  
鳴蟹隔水見繫舷孤懷終沈沈永夜不復整

憶兒詩

汝生初墮地我遊五茸城三月始入門聞汝呱呱聲從此更

遠邇越嶠東南征三爲象浦客六傍惡谿行在遠日何多在家日何少屈指幾度別垂髫忽已好三歲別我時門前牽我衣宛轉學人語問我幾時歸四歲及五歲別我涕能揮七歲差解事鞠躬步庭幃去冬復別我含悽扣所如本言渡江去卻寄白門書今年汝九齡毛詩誦曹鄧翩翩過父友再宿傾肝肺前月有書來頗與人意會世亂我已老我哀汝始大如何久契潤喟焉發長嘵

別介立上人

東林黃葉遍返景躡幽境入山鳥始棲開戶迹逾靜釋子終日閒晏坐冥真性客至方下床齋餘忽聞磬因投塵中語不忘別時詠露下猶猶飄林中風稍勁我耕湖浦田子有雲山

興他日遠相尋何方正禪定

閒齋對雨

本非習世務時亦涉紛糾茲晨適無事展書對虛牖涼雨灑平野輕風颺高柳既已盪煩襟又以需田畝志氣方自怡耕作庶無負稍知是日閒但覺爲時偶平生諒如此於世復何取

雨中作

季夏始苦燠形羸憂未央滂沱對簷雨始覺稀絰涼庭柯洗衆綠瀟灑映虛堂而我中所懷遠在葭菼鄉新苗眷嘉澤溝水生菰蔣衡門俯吟隰開戶時相望歸歟豈必晚庶及此登場

陽遷汎

艤舟陽遷汎紆步陽遷塞壘石礮城堞禦暴有深戒頽牆幸未隳猶是楚關隘荒墟寥莽遮數戶殘陽在遠邇棄柴荆乍歸理畚箕新穀始春糧中雜梯與稗瓜青併芡紫稍稍已充賣昨過武昌兵驚奔如避鶴吁嗟麻城賊復屯百里界父老一二入問答形羸憊其言絕酸苦兵賊迭逅避破廬雖暫息終亦成于邁旦暮此偷生吞聲死茅廬

冬日同徐州來崔季韞莫愁湖眺望

霜霽天更清衆潦縮而小澄泓莫愁湖微波猶森森演漾餘水木彷彿動寒藻耦勝樂嘉招出城即幽討閒亭息游侷煖日逢魚鳥乍憩慮已遣躊躇魂復悄回思四海晏樓閣此中

好風景豈復有世事久紛擾峨峨清涼山黃葉落漸少蕭條亦如此雲煙互繚繞

哭胡印度

眾人各貪生同盡靡不然君已祐斯累憑化聊忽遷哀樂復何有顧余未能捐銜悽追往昔再歲逾縣縣茅茨儼虛位殯宮屋西徧遊塵積素几零露被荒阡貧巷氣悽惻潦縮無流泉生死豈云隔徒悲化道賢

傷于子桓

積雨動離舟門前秋水次別緒已含悽緘書更徂歲書中吐亮辭於世無多意思憶平生懷躡躇熱肝肺蒼旻何其悠白日忽西墜人生如春冰一泮成東逝日夕茅嶺遊相看隨悲

淚於世無多意  
子相書中語

梁山

宵泊蘆洲月枕上聞潺湲雞鳴峭帆起洲勢多迴環開臆眺  
前浦忽見西梁山蒼蒼朝靄裏演漾晴波間東梁相對出  
壁巒如聳翠削類中斷絕頂殊可攀凌風去何駛聊得舒心  
顏不及巖頭鵠終年巢松關

離漢口

旅舟泊漢水荏苒至寒節朝看楚雲興暮觀楚雲滅此地雖  
破殘井術稍成列銀鱗日充市食鮮每豐潔客心復何苦遇  
物轉淒切茲辰忽返櫂脈脈情內熱風土漸相諳山川屢迴  
折故鄉豈不懷信美亦愴別未逢漢陰老令我憂思惱

遊招隱寺有感題遺迹

東郊草色偏出郭路已彌登頓窮迴蹊屢覺前山轉招提頗  
閑寂滿徑惟蒼蘚一與人境遠驟矜塵累遺撫跡想曩賢幽  
林此偃蹇當時動萬乘於道能舒卷潤芳始馥郁石溜彌清  
淺白雲復層層徘徊度遙巘沈冥逾千載礎戶欣來踐窅然  
巖谷閒日入更遊衍

答葛士元寄書

憶與君握手句溪清且嘉平蕪來燕子野寺開桃花衝雨過  
鐵澗曲折尋幽遐豈惟誇水木亦以眷柔麻甯料轉盼間世  
變浩無涯此地竟流血鋒鏑厯龍蛇荏苒別三載簸蕩風中  
沙寄書感疇昔聚散同飛鴉翩翩稚川孫戲鬚鬢未華一水

渺相望漠漠春雲遮著書且努力勿遽事丹砂

雲間西還別陸集生

陸生昂藏二十幾聲名颯沓如流水太華鋒高五千仞文章  
突兀奇過此家在吳淞一水涯迴眸顧盼光成霞少年生長  
三公里數世烏奕尙書家尙書風節古希遺有子立朝少司  
寇父子兩世皆蒙恩陸生腰下無寸綬甲第聯雲譲季昆郭  
外流泉空在門門前流水東入海往往人號平原郡白苎城  
中足風雨獨共陸生相勞苦鶴唳秋閑島上煙雞鳴夜聽櫓  
頭鼓相思千里何閒關前人陳迹猶班班黃歇尙餘鴻雁浦  
吳王剝有千將山陸生氣岸真輝赫上策十年仍落魄貧賤  
人看白面郎功名誰識班駕客三載東來碧草芬一朝揮袂

有離分莫愁湖上徘徊月揚子津邊無限雲  
我去五湖惟蕩槳白鷗茫茫日更往欲寄迢迢海岸書鯉魚一尺隨潮上

太白山人

太白高高西疊秦人言山人爲秦人一生放浪入吳越玉質曾不涴風塵縱心羽化事服食丹砂恍惚輕千春亦復高歌中宮徵松風寥寥蒼崖裏仍諧伉儷衣薜荔服食求仙事皆已山人氣勢亦罕比咄嗟頽頽何與李門前車騎丞相來海上遙看赤雲起嗚呼太白之峯安可攀遠遊未厭辭人間苕花如雪傷顏顏千秋哭兀道場山

海雲歌送方爾止由雲間返白下

海雲迢迢倏飄忽白門歸客愁不發芳蹊碧樹遶吳天桂楫

蘭橈蕩秋月君家甲第何蟬聯桐山秀出接龍眠弱冠聲名  
起江介片言落紙飛雲煙平生少孤亦坎坷脫畧繁華厭尾  
瑣讀書已破一萬卷作賦談兵無不可十載桐城戰血斑峨  
峨白骨成邱山登陴授甲何慷慨指麾破敵如等閒君抱奇  
才遭世難長揖戎軒幘常岸賭墅何當笑謝安從軍不得同  
王粲孤舟鼓枻滯江皋感此踟躕心鬱陶酒邊落落歌長鋏  
膾下時時看寶刀酌酒與君勿嗚咽古來才大轉愁絕前年  
避地長干居一回又向江門別江門落日水悠悠黃浦潮生  
遂去舟相思鐵甕城南夜獨倚危檣看斗牛

觀楊龍友畫山水冊子董宗伯書跋作歌

楊子性癖畫山水胸中突兀眼中起巒崿窈窕煙霧生倏忽

風雨如在耳手拂絹素神已通耳目不御遊鴻濛鴻濛以前  
未有此此時突出真神工我觀此冊凡十圖千流萬壑態各  
殊桃源輯川久寂冥雲門若耶胡爲乎誰言此境世所無彷  
彿廬岳疑衡巫揚子產夜郎山水天下絕勝舸以南峯挿天  
一一寫出森嶽峩畫家惟取胎骨奇細論流脈良足嗤平生  
所好或彷彿氣格頗似黃大癡梅花道人亦其亞一二追肖  
非追蹤武陵楊公楊子師擊節愛好渴且饑十年購得萬松  
卷縹囊什襲如鼎彝妙手董宗伯駕軼文與沈歎息展此圖  
摩挲盡題品此圖在世珍璠璵況有淋漓宗伯書楊子腹中  
書萬卷四十公車惟破硯爲我且埽一疋絹明歲長安見天  
子放筆一揮大同殿

題楊曰補所藏楊龍友畫雲山圖

君家堂上開雲煙乍披忽覲心惘然畫者何人此好手故人已沒今五年故人昔爲永嘉宰謝客山川宛相待仙巖谷口睇煙霏玉餌峯頭眺雲海往往揮灑作畫圖巖巒突兀茅堂孤卽如此圖極瀟灑松風彷彿聞笙竽斯人厯落多情興君與結交非異姓繪事同誇揚契丹兩家筆迹堪相競寫罷遠山偶未聞君爲點染顚崖間圖成價已等尺璧摩挲涕下空澀澀生前粉繪人爭取死後聲名尤冠古可憐埋骨竟茫茫四海九州無寸土憶昔爲我一揮雲山小屏樟縹渺龍湫與雁宕正與此圖相頡頏吞聲想像一惄悵

過羅刹磯

漢陽江邊一月坐船頭乍撥西風簸五日已渡潯陽江小孤  
媯婷浪中過昨日狂風忽東轉舵折檣欹太偃蹇三宿始泊  
李楊河蘆黃沙白漸痕淺數戶蕭蕭破屋扉黃昏月落雁飛  
飛曉來舟子俄相報起看江心羅刹磯

銅雀臺

魏國山河在雄圖勢已休漳河遙入海大陸莽生秋井幹空  
遺恨君恩不可留誰憐歌舞罷松柏晚颺颺

王昭君

漢宮回望絕青海路逶迤一曲琵琶語千秋羅綺悲逝將黃  
鵠侶沒向紫臺睡怨結胡天月悠悠無盡時

周勒卣從新安還雨中過訪賦此

行李投于越迴舟喜抑舷夜潮初過朏夏潦卽稽天少室于  
峯思滄江一雨縣茫茫各辛苦去逐海門煙勦古去歲遊中  
州時將與予先後往白門也

送宗達入燕

江流渺不極帆影復重重國步方求駿天心豈卧龍離人揚  
子渡愁思廣陵鐘無限雲山隔依依泖上舉

晚過三山宿大勝關

峩眉亭上月忽在數峯西始見漁梁火因聞關店雞維舟三  
戶少吹角片雲迷自古江南地詞人賦慘懷

亂離詩贈黔僧利根次潭吉韻

故國兵戈地風雲尙覺昏亂離思舊鬼驚定住新魂行世已

如葉言愁別有根三年蠻海淚猶記昔成痕

與九信至招往園中賦答

聞說長林下淒清祇似冰言招靡性友如對獨形僧竹色涼  
舒腹桐陰安曲肱此時延伫意忉怛諷難勝

送九水還廬山

江舟彌不易此日見朝霜書寄他僧去路因寒月長彭蠡一  
衲遠雲霧六朝荒數雁煙邊沒離心愈森茫

問門遇穆倩因訊僧彌

一逢荀奉倩吳市此相同結客向滄海吹簫滿碧空水浮鶴  
澗綠花映杜鵑紅爲問偕遊者誰如皋伯通

上嚴子陵釣臺

已躡千秋跡因登百尺亭潮生兩崖碧天入眾峯青獨戍唳  
江鳥孤槎訪客星長思人代裏幾得此鴻冥

游城南栖霞寺

水際泝洄去溪橋亘眾流風煙仍自合荷芰稍能幽破壁饑  
鼯集殘柯倦鳥投賴因松雨細一灑盡煩憂

歲暮行經七里瀘

入瀘投暝色瀘蠱復煙霏極浦桐廬縣天空出翠微鵠鵠浮  
凍港沙岸動朝暉愁思當窮臘皇皇獨未歸

雨中遣悶

三載來甌渚滂沱釀夏寒因憐江鳥熟已作越人看閒臥施  
桃簾清羸岸葛冠仲宣今有賦歟息滯荆蠻

和祖心上人遊城南方正學先生祠

寂寂荒祠野鶴昏蕭蕭殘碣倚松根金川門又成亡國石子岡偏欲斷魂昔日麻衣慚叔父于今青草失王孫廢興自古須臾事獨有先生戀主恩

過齊尚書祠

尚書祠下千回過此日沾巾淚未休蘋藻已荒兵燹歲江山忽似革除秋眞人一姓猶甘死流水孤城何限愁寥落空庭惟繫馬井欄摧折斷煙浮

別爾止發舟往越中

驪歌惆悵莫愁湖二月江城酒共沽採藥謾尋春草去披裘還似客星無行追碧澗雲門近轉憶青山院伯孤千里迢迢

楊柳色令人揮淚聽曉鳥

送趙孟遷往天台因還山陰

赤匪障天白日冥木葉四落黃滿庭一客獨往賦窮鳥五侯誰愛分嘉鯖剡溪西歸窮夜壑屋水東下揚曉船石梁玉龍冰欲結回望括嶺何青青

立秋日晚登丹陽城樓

古堞崔嵬映碧流長江萬里一念愁城邊月出還聞角水上雲來始見秋鴻雁幾時穿塞路白蘋無日不汀洲丹陽郭外萋萋柳夜送潮聲到石頭

與高座寺介立期登木末亭未果

寺外高崖積靄凝遙憐風雨不同登坐看雲氣流寒蝶欲遣

塵機對病僧九日乍聞雁過千秋還見大江澄碧梧近在  
鐘山蘆愁上孤亭望舜陵

黃州寄杜子皇

葦岸風淒日漸微長隄繫艇晚依依十年紅樹辭鄉去八月  
黃州見雁飛燒罷林廬殘址在戰餘茅屋幾家歸翻憐此夕  
君恩我揚子潮回木葉稀

漢江懷古

此共方城扼楚關英雄消盡逝波間微霜欲下漢陽樹落日  
初銜大別山蘭杜秋來洲尚綠瀟湘南去竹多斑燒殘崔顥  
題詩處一眺風煙倍慘顏

九日大別山登高

鸚鵡洲邊草盡黃白沙如雪禹祠荒古來哀怨多歸楚此日  
煙波正望鄉山翠乍連杯酒色亂離頻過幾重陽眼前不見  
茱萸紫起傍峯頭數雁行

錢塘潮

曉色千檣發危濤萬馬奔豈知此澎湃中有子胥魂

貞白墓

白日沖昇怪底遲因緣本草事堪疑茅家兄弟皆鸞鶴卻見  
先生墓有碑

橫塘曲

江宿鴛鴦浪宿鷗芙蓉零亂木蘭舟白蘋渡口橫塘女箇箇  
生來字莫愁

錢澄之

二十首

初名秉鑑字幼光避禍削髮爲僧名幻光復冠帶改  
名澄之字飲光桐城人崇禎諸生有藏山閣稿田間

詩文集

徐乾學澹園集飲光先生自甲申變後南都擁立新  
主姦邪柄國羣小附之濁亂朝政而爲之魁者其鄉  
人也以夙負盛名之士慷慨好持正論與鄉人迕及  
其得志修報復固欲得而甘心焉刊章捕治將與大  
獄於是亡命走浙閩又自閩入粵崎嶇絕徼數從鋒  
鏑間支持名義所至輒有可記  
韓菼有懷堂集飲光少負盛名爲諸生祭酒遭明季  
崎嶇喪亂與時消息其用至妙未易窺也其爲詩冲  
淡深粹出於自然度王孟而及於陶矣  
靜志居詩話幼光禁網潛蹤麻鞋間道或出或處或  
嘿或語詩屢變而不窮要其流派深得香山劍南之  
神髓而融會之牧齋錢氏錄其作入吾集蓋深取  
之矣昔賢評陶元亮詩云心存忠義地處閑逸情真  
景真事真意真田間一集庶幾其近之

姚經三無異堂集飲光南渡時遭黨錮亡命流滯嶺  
嶠歸則幡然老頭陀矣好飲酒詠詩放浪山水間每  
酒後談說平生聲淚俱下時吟詩不拘一格上有  
漢魏下迄中晚隨興所至卽爲之古詩感慨諷諭婉

而多風真得古三百篇之旨  
明詩別裁幼光自抒情性無意工詩五言似陶亦在  
神理不在字句與高忠憲歸待詔所謂異曲同工者  
也

徐璈桐舊集飲光集詩說曰詩有其才焉有其學焉  
有才人之才聲光是也有詩人之才氣韻是也有學  
人之學淹雅是也有詩人之學神悟是也故詩人者  
不惟有別才抑有別學焉  
田按田間五古擬柴桑七古擬張王樂府亦近香山  
殘响逸老可與邢孟貞肩隨

### 田園雜詩

人生會有盡行止非自由止亦不可越行亦不可留如何柴  
桑叟汲汲爲此憂終年痛飲酒莫以忘其愁吾身聽物化化  
及事則休當其未化時焉能棄所謀有子亦須教育田亦望

收天心于人事何息不同流我不離世間而願與天遊焉能  
外親戚視之同浮鴻乃知黃老書不如孔與周

詠史

中原昔喪亂我錫互塗炭共偷江左安坐看神州陷壯哉劉  
宋公直上咸陽殿百年宿穢清天日重相見可憐秦父老蕭  
箇遍畿甸天下望風降拓跋不敢戰一朝乘之行急歸圖晉  
禪關中自足帝方隅何用篡空使向化民再罹大戎燄功名  
不得收古今一長歎

寄藥地無司師

風動知歲晚木落知天寒居人篝火坐各各掩其關言念藥  
地翁一身樓廩山廩山在何所草屋八九間江右土氣薄況

經兵燹殘縕袍豈能溫粗糲窓可餐又聞終歲病齧齧不復  
斑豈徒無與侶枯淡恐無歡念此不能往喟焉摧心肝

雜詩二首

步出城西門荒隄何逶迤衰柳夾隄植上宿鴟與鷗路傍有  
古廟入門柩纍纍借問此何人云是義士屍寄此頗有年親  
戚不敢移中有慷慨士平昔心相知始志在捐軀臨危果不  
欺旅魄滯曠野冤魂當訴誰徘徊不能去愴惻傷肝脾

轔轔青槐巷中有壯麗居華棖耀金碧交綈結綺疏高樓臨  
大道艷色照通衢昔爲富人宅今爲丞相廬行人不敢過過  
者爲下車別去無幾時門巷忽荒蕪雙扉白晝瑣中有官物  
儲間之丞相歿得罪身被誅妻孥遠戍邊籍沒無復餘識時

稱俊傑斯人計豈疏屈節以保身禍至還突如悵念平生交  
夷誠何歎歎

贈胡處士星卿

榮榮畦中蔬嫋嫋門前柳畦以木槿籬門用桑樹紐茅屋入  
蒿萊江聲通戶牖中有避世人言是東陵後多年不入城一  
卷常在手客來問所爲良久乃開口有時還見招臨流一觴  
酒

雞鳴

有序

客寢不寐久之乃聞雞鳴感而作此展轉反側再成

諸作

冬已過半夜偏長愁人不寐獨在牀寒雞擁翰不肯叫老鳴

得氣山頭囁山頭有虎伺人行悞鬼騎虎學雞鳴雞在牆根  
鼓兩翅欲鳴不鳴時未至邨南邨北聞犬喧雞未三唱勿出  
門窗前山鬼大無賴低頭樹下學人拜遙遙古寺打鐘聲一  
聲一拜聲聲驚鶴鳴一聲天下白千狀萬態從此滅

泥鰌行

人家堂坳水不乾疑有怪物水中蟠田蛙無聲蚯蚓縮爭傳  
此物頭有角老巫見之禮最恭云是洞庭行雨龍作法燒符  
請龍子雷火滿空龍不起不知蜥蜴徑寸身亂打雪雹猶有  
神旁人還恐變化去那知藏在泥深處汲水取泥投江流蜿  
蜒乃是泥中鰌泥中鰌何足怪空使老巫朝夕拜

催糧行

催完糧催完糧莫遣催糧吏下鄉吏下鄉何太急官家刑法  
禁不得新來官長亦愛民那信民家如此貧朝廷考課催科  
重鄉里小民肌膚痛官久漸覺民命輕耳熟聞冤號聲新  
增有名官有限兒女賣成早上縣君不聞南村大姓吏催糧  
夜深公然上婦床

水夫謠

水夫住在長江邊年年捉送裝兵船上水下水不記數但見  
船來點夫去十年家門派一夫生死向前無怨怒衣中何有  
苦搜索身無錢使夜當縛遭他鞭朴無完膚行遲還用刀箭  
驅掣刀在腰箭在手人命賤同豕與狗射死紛紛滿路屍那  
敢問人死者誰爺娘養汝纔得力送汝出門倚門泣腐肉已

充烏鳩餓家家猶望水夫歸

胡星卿茅屋歌

白鷺洲接大江，瀆牧馬兒來。動成羣先生，避世何處去。  
合家住近公主墳，茅屋三間倚墳腳。門戶欹斜草繩縛，籬外時聞  
樵婦喧。樹下每有漁船泊，先生田無一石租。糊口祇賴青囊  
書，春深婦子競鉏菜。水落弟兄人養魚，可憐茅屋多年破。  
五柳陰中留客坐，風雨淹旬不出門。先生高卧舉家餓，先生本  
是公主孫。當年駙馬最承恩，廻象門西起府第。至今基址宛  
然存，府基荒去墳園冷。細竹寒花空滿樹，洗菜猶傳金水橋。  
灌畦爭汲琉璃井，東川戰功晚始酬。駙馬還蒙少主優，靖難  
師來家已破，子孫旋失東川侯。奪爵猶加主國號，上書乞恩

無不報下降聞在高帝年間安尙覩英宗詔詔書累朝墨有  
光龍牋寶篆枕中藏主家法物一朝盡樸素惟留駢馬床駢  
馬之床櫈如此想見國初俗不侈當時賜出椒房宮如今鎖  
在茅屋裏茅屋相看幾度春終年抱膝不知貧叩門半是先  
朝爵失路時憐帝室親先朝帝室復誰在茅屋栖遲人勿怪  
君不見開平王後懷遠侯妻子負薪身種菜

湖孰種菜歌

金陵城東湖孰村中有隱者開平孫通侯甲第今已矣意氣  
豪華無復存開平去今凡幾代五王之後惟君在往往爭言  
青門瓜如今獨數湖孰菜問孰種菜滿畦新一家生計只三  
人終歲把鉏菜畦裏婦能炊飯兒負薪爲君婦亦大辛苦嬌

貴當年難比數霍珊瑚賜出小侯妻珠翠裏成上公女都人猶  
記嫁時粧如雲姿嬾爛生光臺前照鏡輪梳髻架上薰衣派  
管香一朝散去竟何有相對惟餘雙白首早從府內厭笙歌  
還向村中操井臼村中井臼倚柴扉賣菜還愁終歲飢夜長  
不肯燃薪坐十指侵寒綻故衣東川子孫公主裔妻擎行汲  
心常愧聞說君婦盡傷情無心更擬求奴婢

同左眠想霜鶴遊礪玉峽因懷爾止

龍喚溪水自東來穿崖瀉壑如奔雷山腰峽澗不盈丈束水  
水急聲喧逐水聲束急勢轉大噴珠跳玉不肯過激浪驚濤  
晝夜爭一條飛下青山破左生本是樵牧攀振衣躊躇欲凌  
雲徼我過水坐盤石對而大聲語不聞石頭坐久寒生栗柱

杖半染苔痕綠想見方公此讀書空山無人一茅屋卽今茅屋已全傾竹刺藤稍繞徑生夜深或有精靈出月白應聞嘯咏聲飄泊遙憐方仲子三十年來稱名士一生作客不思歸好山好水棄在此

吳門晤姜如須令嗣奉詔有感

在昔同流寓姜家兄弟賢交深鉤黨日客散過江年梅福名難變梁鴻噫不傳淒涼逢令子話舊淚潸然

山居雜興

糧事聞人說官徭果便農儻能減科派詎敢後輸供僧徒施茶籬鄰求造酒傭今秋安水碓借與四鄰春

過老鶴庵

野路通精舍山門對面疑客從林際下僧在竹間窺石磴到  
須坐好房開始知師徒欣接待剛是焙茶時

田間草廬初成

柴扉不擇向只對遠峯開日月當門出江山抱屋來入林惟  
少竹滿徑自生苔已訂牆東友求花密密栽

過曾庭聞蕪陰市上

自著緇衣萬恨平窮途遇爾轉傷情我從嶺外經年至君向  
江南何處行瓢笠喜無鄉里識鬚眉猶使故人驚相持莫便  
當街哭爲到郊原一放聲

卜居

板屋荆扉半欲殘梧陰入夏覆窗寒親除礙瓦藤千尺獨護

穿階竹數竿好客來多頻缺坐新蔬炊熟苦無盤朝飢賴得  
鄰僧米欲乞朱門一飯難

寄吳梅村

秣陵煙樹已全空回首登臨似夢中祇課詩篇銷晚歲別填  
詞曲哭秋風同時被召情偏苦往事傷懷句每工卻憶清江  
楊伯起屢辭麻詔薦更策

吳嘉紀三十六首

嘉紀字賓賢一字野人泰州布衣有陋軒詩六卷

四庫總目嘉紀詩風骨頗道運思亦復剝刻而生於明  
季遭逢荒亂不免多怨咽之音

居易錄泰州布衣吳嘉紀居東淘苦吟不交當世予  
見其爲五言詩清冷古淡雪夜被酒爲其詩序馳使  
三百里致之嘉紀大喜過望買舟至廣陵謁謝遂定

汪懋麟百尺梧桐閣集野人家泰州之安豐場閉門  
窮居蓬蒿土室名听居曰陋軒終日把一卷苦吟自  
娛晚年善病或并日一食近海多暴風疾雨水沛數  
丈鹵地爲魚塲人絕轍動稱凶年野人廬舍汚穠每  
歲水至常及牛扉井竈盡塲苦吟不輟其爲詩工爲  
嚴冷危苦之詞所撰今樂府尤淒急幽奧皆變通陳  
述自爲一宗近代嚴棲之作鮮有過之者  
鄭方坤名家詩小傳阮亭謂野人出遊後詩漸失本  
色不終其爲魏野楊朴今取其集讀之一卷冰雪文  
初終一致且野人晚節篤行潛修甘心餓死此其品  
概何等前說云蓋別有爲言之也  
別裁詩集漁洋詩以學問勝運用典雅而胸有鍾冶  
故多益善而不見痕迹顧斬詩以性情勝不須典  
實而胸無渣滓語真樸而越見空靈然終無名位  
人予持此論而眾人不以爲然然其詩具在試平心  
易氣讀之近人中有此孤懷高寄者否

養一齋詩話吳野人詩字字入人心腑殆天地元氣  
所結貞陶杜之衣鉢  
田按陋斬古詩序事得之史公沈痛得之少陵五七  
律後衰亦不失爲元遺山明末詩家可與孟貞抗行

翁履冰行

老翁履冰手挈稚孫金飯塵積貸粟前村村農穀富莫肯念  
故翁別倉庾蹣跚歸路富人如虎顏色難于風壓河心骨重  
心酸翁泣語孫生無一可呵伯應聲冰開人墮其子望見急  
遽來援欲引轉仆骨肉纏綿一門三世齊陷波裏飛雁哀號  
無手救爾

李家娘

有序

咸稱李家娘云

兵陷郡城李氏婦被掠掠者百計求近不屈越七日  
夜聞其夫歿婦哀號撞壁顱碎腦出而死時掠者他  
出歸乃怒裂婦尸剖腹取心肺示人見者莫不驚悼

城中山白死人骨城外水赤死人血殺人一百四十萬新城

舊城內有幾人活一解妻方對鏡夫已墮首腥刀入箭紅顏隨走西家女東家婦如花李家娘不辱強梁手二解豈無利刃斷人肌膚轉嗔爲悅心念彼姝三解多容貌不如他四解豈是

貪生夫子昨分散未知存與亡女伴何好髮澤衣香甘言來

勸李家娘四解李家娘腸崩摧筆撻磨滅珠玉成灰愁恩結衣

帶千結萬結解五解不開令下止殺殘人生寨外人來殊似舅

聲云我故夫子身歿亂刀兵慟仆厚地哀號六解夫旣死

妻復何求腦髓與壁心肺與醬不嫌剖腹截頭觀者震驚若

羊牛七解東家婦西家女來日撤營北去馳驅辛苦鴻鵠飛上

天鵝免不離土鄉園回憶李家娘明眸背上淚如雨八解

挽劉昇

有序

劉昇儀真人歛縣潘楚玉僕也楚玉性褊急少違意  
輒捶撻無虛日昇不怨也楚玉母病昇割股肉和藥  
療之楚玉死家業中落昇勉負荷爲嫁女葬女楚  
玉之子次璜稍長爲娶妻妻死復娶家益窘昇筋骨  
且衰矣乃賊於人力作以供幼主衣食盡瘁至死程  
雲家哀之作義僕傳余賦挽詩

梁肉厭葵藿麻枲薄旃菅絲來乘翠賤志士復何言可憐一  
寸草寄生桑樹頗不自知微細思欲庇樹根身是主人身何  
以能酬恩撻膚不怨數割肉不辭難所嗟門戶衰緩急日多  
端精衛力已竭死喪海水旁洲渚雲徘徊哀鳴下鴟鴞在日  
慢斯人鄉隣悔且傷剖石出美玉擘蚌露珠光體質雖鄙陋

今日見中陽

夏日題程梅慈洗桐圖

秋蘭娛屈子籬菊媚陶公如何程梅慈乃好青梧桐翳翳蔭  
林堂蕭蕭緣澗水已堪託琴書還畏露泥滓澗聲上樹飛林  
氣溼人衣炎暉炙四野此地陰霏霏眼底無纖塵心神亦清  
絕翻笑穎上翁祇令雙耳潔

辛亥孟夏二十八日三兄嘉經歸葬東湖

二兄呼五弟荷鋤隨我發爾我將老死應收二弟骨行行見  
廢墟荆棘何翳鬱餓羸啄鶴骼野蔓牽人膝二十八年來始  
有家人跡朽楓在何處形骸雜土木肢體拾容易砂礫亂爪  
脊撥剔到天暝全軀乃無缺鳴呼甲申歲兄禍生倉卒身飽

強橫手命盡少壯日官長來相視行路色慘戚磊磊簪人頭  
捐日白刃割哀笳忍四起鐵騎來萬匹野積戰士屍城流殺  
人血羣兎出獄門亦各操鋏鉞依猶猛虎區見者咸竦慄飲  
恨歸去來待時卧蓬草次男名瑤琴禡禡兄愛惜眾謀立爲  
嗣此支庶不歇四歲離所生命仰伯母活不悟大人心憐女  
不憐姪綺繡擁外孫兒也足無憊弱盾受風霜鬢髮叢蟻虱  
猶極悲還歸持抱生母泣我時寶貧窘寸心與誰說今年兒  
齒壯抱殘膺疚疾媒妁不議婚徭役長被責敢望吾宗大仍  
愁兄祀絕冤魂久飄零今日就窀穸蘋蕪鄉樹近沃沃水蓼  
碧死者抱痛眼生者吞聲哭報讐事已矣斜陽徧阡陌

隄決詩六首

庚申七月十四日淘之西隄快餓頃門巷水深三尺  
欲渡無船欲徙室無居家人二十三口坐立波濤中  
五日夜抱孫之暇作隄決詩詩成對落日擊水自歌  
境迫聲悲不禁蠟蠟涕下

今日隨人去築隄明日隨人去守隄颶風霪霖無休息土溼  
泥流積不得杖藜登高看水長東舍西隣白決決蝦蟆入門  
坐蘋上

浮來草屋如浮萍蟋蟀啾啾鳴家人延頸望天曉水作  
北風寒氣早折無衣裳飢無餐空腸瘦骨當狂瀾何時有暇

愁飢寒

暮年辛苦飼孤孫黃口命依白頭存餅飯斷絕已兩日水中

走來抱我膝  
鴟鴞天上鳴  
噭噭歎息汝  
祖非其曹不得銜汝  
出波濤

漉起囊中數升黍  
罷沈薪溼不可煮  
家僮營營欲何適  
毒蛇蜿蜒匍匐陌  
高歌落日慘我顏  
膠漆故舊阻河關  
安知我在洪濤間

去年夏秋雨澤絕  
嘉禾枯似翁媼髮  
今年天漏夏日冷  
黃魚黑鱉戲樹頂  
無稅無糧官長矜  
胥吏用錢求開徵  
以災爲豐爾最能

劉生希岸寄我糴米貲  
餌結簷頭乞火炊  
炊熟欲餐轉脚躊躇  
生囊中錢已無容易  
用錢俗所鄙違俗  
更有程季子雲家刺船  
尋我瀟瀟

我昔三首效袁景文

我昔客途逢敗兵弦聲旆影魂俱驚殘騎如狼散草莽居人  
雜免奔縱橫漁船貪利夜賣渡金多方許賊人去暝色潛行  
曙則隱口乾腸飢我能忍

我昔攜家亟逃難海雲漫漫晝昏晏野空號響賊馬近我船  
欲速行轉慢須臾燔燒間里紅風飄船入蘆港中蘆葉菰葉  
蔽男婦引衣掩塞嚦兒口

我昔兵過獨還家畦上髑髏多似瓜空村無聲鷄犬盡籬茆  
自放霜中花天南伯兄天北季驚魂棄絕故園地夜寒鬼語  
聚稍稍細雨還聞九頭鳥

晏谿送江虛中兼懷吳後莊

凜凜歲寒天送君歸舊川  
溪光浮佛舍塔影壓漁船  
客路閒雲外家山落照邊  
不愁逢酒伴囊有賣文錢

茉莉

深閣晚粧近爭開羅綺前芳馨風緩緩採摘月娟娟種自宜  
南土根難到隔年比來烽火靜處處賣花船

懷江象賢

邗江三月半孤客此時情病起家重憶愁來野自行落花關  
外舫嬌女竹西等無數繁華子春風送出城

寄程蝕菴

練江巖岫內沙白葦蕭蕭鶴髮浮孤艇漁竿閑兩朝嶺雲流  
作瀑澗樹側爲橋不得來攜手思君顏色凋

廣陵過嘉樹堂贈汪左嚴孝廉

白岳白雲裏松門石徑斜半空飛瀑布其下有人家山響猿呼子煙香樹發花幾時隨我友仙境醉流霞

送王黃湄之海陵

是我還家路扁舟汝獨行千人初短氣去國各含情海水孤城暗霜風一雁鳴此鄉稱僻壤誰更識虞卿

宿從容菴

老僧借宿處窗對大江閒茆屋無門戶寒潮夜去來火明揚子渡鐘動妙高臺蕭瑟憑風雨繩床有舊醅

晚發白沙

黯黯雲垂野喧喧浪激沙黃昏初放艇白首正思家江戍聞

寒柝漁燈見宿鴉飛遙真似我歲晚更天涯

附程翼士舟歸東澗作

客久吾廻拙囊空汝倦遊故鄉無百畝壯日盡孤舟村吠隔  
花犬溪飛衝雨鷗相攜應不厭同是敝貂裘

九日同夏五作

風雨朝如晦乾坤日用兵秋魂聽鬼哭老眼看人爭榛梗方  
爲害東南稍輕耕吾家二十口溝壑正關情

送人歸黃山

入雲山路碧重重歸去道隨石戶農幾畝種田今有主一間  
茆屋在何峯煙崖芝草衰年採雪嶺樵人落日蓬帳望浮邱  
蹤迹遠鍊丹臺上倚青松

內人生日

潦倒邱園二十秋親炊葵藿慰余愁絕無暇日臨青鏡頻過  
凶年到白頭海氣荒涼門有燕谿光搖蕩屋如舟不能沽酒  
持相祝依舊歸來向爾謀

九月四日吳雨臣見過

俱是先朝戊午生相知端不爲同庚黃塵戰伐無年代白頭  
漁樵此弟兄舊跡入稀雙雁下茱萸節近一溪晴疏籬陋室  
秋光在莫厭頻來酒共傾

舟中九日

過節淒然病裏身強披敝褐對江津初霜白雁隨遊舫故國  
黃花怨主人幾度登臨成老大半生飄泊喪精神平戈滿地

親朋遠愁見茱萸刺眼新

送方爾止

出郭朔風吹敝裘亭皋東望使人愁  
隨宮綠酒離前飲舊國  
青山老去遊寒雁背羣飛夕照  
緝砧何處搗殘秋欲攀隄柳  
增惆悵黃葉蕭蕭落馬頭

舟中贈王子蕃

萍蹤空傍水邊鷗鷗自忘機我自愁  
歲儉業無聊  
艤下天寒人在楚江頭  
渚風亂聒羣飛雁  
野日斜熏獨去舟時晏路長  
多謝汝酒錢攜共老夫遊

送劉希岸歸呂四場

逸興應知中路增紫狼碧漢樹層層偕僧松  
壑齋浮櫂乞火

竹爐寒煮冰萬里潮聲江海合千尋石路杖藜登何當共宿  
翠微裏夜半開門看日昇

過金山

屢向征途見此山興來維艇一躋攀忽開襟抱魚龍際况載  
尊罍水石間吳楚千年流白日風塵半世損朱顏留雲亭上  
人微醉坐看江帆暮往還

東歸道中

人煙四望稀野雪不見路歸鴟與暝色稍稍墮宮樹

治春絕句和王阮亭

雜管繁絃奏野航聽來聲調是伊涼邊關子弟江南老今日  
曲中逢故鄉

送吳仁趾

秋山遠郭儘堪遊暮宿城西孫楚樓後夜酒醒思舊伴烏旛殘月不勝愁

慰隣人盧慎年七十無子

須知婢獨易相存積雨家家水入門凶歲形容魚鱗笑人生怨殺有兒孫

王廟二十七首

翊字介人嘉興布衣有秋槐堂集

李詩繫秋槐老人家故柴染一手挾書一手數錢  
與布販茶僧相應答好製詞曲作紳扇記忌者誣以  
詆毀里紳訟之官家計日落然詩日益有名  
靜志居詩話介人初擅詞曲後研聲詩志取多師不  
遺僞體其論詩於合處見離於離處求合啟禎之間  
大雅不作教然以起衰自在而知者寥寥惟平湖陸

職方嗣端心賞之嘗訪君於長水值君洗硯河頭挾之登舟家人不知也遍游若嘗乃返旣而入越謁陳推官卧子方置酒送客君詩有前路夕陽外行人春草中之句臥子擊節曰此今之高十五也爲序其詞遭亂所居不戒於火惟餘小屋二間一供婦爨吟詠其中有故人官府寮者造之不見尋卒於京口五言如江湖長至日風雪上方山驛路通秦遠峯陰入晉多桃榔千樹雨瘴霧百巒天日氣淫秋雨嵐光變夕曛楓林依水盡雲物近秋多一二故人在飄零佳訊稀江山雄白下人物近黃初山雪行人少江梅臘月多文章身後事邱隴夢中山白社違人日玄關閉子雲江山閒一望吳越在孤舟七言如夜月旌旗五馬渡秋風草木八公山周道秋風行黍稷漢宮春雨長蒲陶西蜀諭通司馬檄中山謡滿樂羊書秦塞忽驚三月火漢家空待貳師功三月晴風高戰鼓九江春水下樓船籌語高華此方虛谷所云律體也明三十家詩選介人詩沖澹處似襄陽深婉處似龍標沈摹處亦似少陵禾中詩人自滿江翼隱以後竹垞以前此其卓然成家者也

田按鈕玉樵瓶牘云介人攜詩橐過鄱陽湖以文得罪湖神遇羣盜搜介人篋行唯詩稿四五帙怒投於湖及歸得詩餘百闋繖之藤笥到家發視諸物不改

而詞稿碎如刀劃迎風片飛無完紙矣然則今之所傳者盜擲神碎之餘也

### 猛虎行

北山猛虎行斑斑夜出索人盡不還路無行人食不足只向  
山中守麌鹿可憐日久麌鹿窮猛虎亦死深山空

### 無可奈何曲

吳姬白皙妖且妍雙鬢墮馬如雲偏流波宛轉情遷延琵琶  
暗撥鶯鶯絃月華照夜明蒼煙爲君酣歌舞當年勸君莫惜  
黃金錢明朝花飛月亦沒青塚家家泣枯骨

### 孝陵

鍾山石層層冬夏積冰雪松柏纏陰森龍旗燭巖穴鼎湖龍  
去遠弓劍閣幽闕惟皇挺熙運奮起秉黃鉞一揮破嘶黃再

舉奠吳越羣雄空鬪爭所遇皆殄滅赤手造區夏率土賴重  
活謨烈貽後人大誥昭史策燕雲旣殷遷豐沛猶漢業至今  
龍蟠基王氣殊未歇臣也草野人不易窺聖域艱難入都來  
未敢忘一謁精靈儼如在杳冥心目懾梓殿凝玉芝隧道隱  
丹霓萬翼翼休明神哉報豐潔

秋夜遺懷

八月天氣清草堂轉深僻長河流素影遙遙瀉空碧落葉盈  
寒皋繁星爛秋夕蕭風吹微月竹露夜深白偃蹇獨往來悅  
焉慕疇昔

北歸後得友書感賦

長夏風日炎南歸且散髮每懷故人好索居又彌月書來道

相思殷憂喜初俗對使詢近事一一言婉切別後盜賊多入  
徐恭衝突州民百餘里大半遭慘殺倉卒聞此言心膽幾若  
割向使久羈旅焉能至今活生還有餘幸悲歌守饑渴縱使  
委溝壑亦已欣後沒干戈滿天地原野厭膏血裁詩雪涕淚  
痛定轉嗚咽

游弢光

西山鬱奇峩峩翠壁爲最孤根生虛無時與雲雨會密竹青  
連陰白日半成晦泠泠多澗泉清響落山背曾聞住高僧卓  
錫自何代至今松林中飄風墮殘唄我來值秋初炎暑猶未  
退迴盤到諸天前另憤所戒歸途已蒼茫想像白雲外

顧山人貽書賦贈

東風吹花隱蠟牋  
起初聞叩門  
急手持一卷花外來宿昔  
知名武林客  
君之手腕蓋有神  
耕煙炷墨生空雲  
蕭疏幾筆  
起纖末俄頃忽見山嶙峋圓峯皴石苔古疊石成巒  
介平楚葉重霜流遠勢寒沿溪茅屋深宜補  
君家虎頭不可得呵瑛以後君無敵  
蕭齋風日正佳時  
輩裏看山幾重色

荒原

荒原秋草積緩步獨行歌野水同天盡  
寒煙入樹多此生嗟老大滿眼又干戈  
北望風塵合驚聞旅雁過

與范尊甫

十年成往事長嘯激悲歌搖落當秋甚蹉跎奈老何  
風塵孤劍冷天地一身多更念幽居者術門掩薜蘿

寄內

白門楊柳樹蕭颯在江關故國幾回夢清秋千里山遠懷應  
有淚久客且無顏歲晚愁歸計冰霜道路艱

渡錢塘

水驛渺難求風帆颺未收江山閒一望吳越在孤舟客艤逢  
秋換鄉心近暮愁浮沈無限事觸目羨沙鷗

冬日

蕭條西北風吹斷北來鴻歲月客程晚冰霜天宇空有時歸  
夢裏盡日處愁中昨夜傳鄉信烽煙又浙東

清河縣

小縣無城郭河流到縣門客舟經近市漁網集空村饑饉年

頻告逃亡屋半存惟餘謳鼓在猶是警黃昏

薦北

薦北十年來烽煙暗不開秋高邊馬健風急塞鴻哀白髮將  
生鏡黃金未上臺徒躋夷國計長眉幕中才

登北固甘露寺

凌雲亭畔倚崔巍明滅維揚望裏開南國至今遺寺在西風  
不盡大江來日生滄海凌晨見潮過金山向晚回指點孫吳  
舊時事馬蹏石迹半蒼苔

竹夜

林風吹竹竹露微幽人隔竹聞柴扉星河夜宿草堂靜蟋蟀  
暗吟秋月輝疏鐘杳杳坐來歇流螢奕奕停還飛石床一枕

破清夢寥落半生無是非

雜感三首

旅矢彤弓寵錫頒北門鎖鑰動江關武侯師出名尤正太傅  
功成鬢未斑夜月旌旗五馬渡秋風草木八公山金湯萬里  
生民寄瞬間期登指顧間

長城萬里羨當年楚澤軍威蓋世傳三月晴風高戰鼓九江  
春水下樓船韓彭心事應難諭李郭功名不易全漫道勤王  
師獨正江南處處起烽煙

三十家詩選澄懷云此詩似指左良玉

淮海聊寧燕雀居風高鼓角建牙初寒凌畫戟秋陰重雲壓  
孤城夕照虛西蜀諭通司馬檄中山謗滿樂羊書將軍面矢

誰堪敵樽俎論功計已疏

秋怨

芙蓉花落水無香  
南國秋來夜有霜  
邊月只將離夢遠  
相思河外是西涼

金陵懷古二首

煙草萋萋野色新  
晚來驅馬見行人  
不知何處含章殿  
滿地梅花雪外春

寒江秋水盡無塵  
棲隱當年有一倫  
爲問山中明月夜  
草堂猿鶴怨何人

會稽竹枝詞

秋風秋雨正淒淒  
荷葉荷花香滿溪  
越女蕩舟愁日暮  
歌聲

盡在若耶西

宮詞二首

上林春酒盡醞醕醉倚新恩倚帝扶翠輦不登遮袖去兩行  
銀燭盡宮奴

禁中春樹藹晴煙朝報簾聲下九天官局進呈新鑄好六宮  
齊賜草書錢

十里芙蓉內院秋涼風先到殿西頭君恩不是銅溝水那得  
深宮處處流

揚州

香琅珠匣閉黃沙泉下依然望翠華芳草離宮三十六春風  
吹滿玉鉤斜

明詩紀事

貴陽陳田輯



屈大均

四十首

初名紹隆字介子番禺諸生鼎革後去爲僧名今種  
字一靈返儒服更名大均字翁山有翁山詩集八卷

池北偶談屈翁山少爲諸生有聲旋棄去爲浮屠久之出遊吳越又數年忽加冠巾遊秦隴與秦中名士李因篤輩爲友作華嶽百韻固原守將某見而慕其才以甥妻之翁山愛玩少室賦詩云同接紅翠三花樹對寫丹青五嶽圖自固原攜妻至代州上谷再遊京師下吳會自金陵歸粵妻隨病死其詩尤工於山林邊塞一代才也

王猷定四照堂集屈五賦質既超選材亦別餘子在人海和酬處士獨拔地作空中語

靜志居詩話翁山早棄儒服託迹緇藍予識之最早

其詩原本三閭大夫自王逐以下多屏置不觀後復返儒服入越讀書祁氏寓山園不下樓者五月始具曹劉班左諸體要之七言不如五言五律勝於五古至歌行長句可無取焉杜廣東詩粹一靈自謂五律可比太白而氣體亦多似

田按翁山五言詠古詩突兀奇崛多不經人道語七律雄宕豪邁五律雋妙圓轉一氣相生有明珠走盤之妙與區海目後先合轍

詠古四首

神堯愛二女盡以歸重華長者爲女君容顏如朝霞少者爲夫人亦若扶桑花衫衣被南風琴歌何紛葩朝同蓬萊宮暮去瀟湘涯帝旣崩蒼梧妾亦捐長沙神光兩不離月以日爲家

維昔二周君皆以誅秦亡大義帥諸侯王朝亦有綱憊哉無

良將九鼎歸咸陽是時秦亦滅嫡裔止莊襄政也實姦生呂  
代嬴氏興二世不旋踵趙高撼其吭前秦祖輩廉後秦祖文  
信無德易傾覆虎狼總推刃詩書亦何罪儒生同一燼痛絕  
驅山坑多言說堯舜

峩峩太華山上有四毛女苟非逃學仙從死成黃土光光入  
魚膏泉下照歌舞淚作水銀海賜爲黃金縷秦時女高士丽  
英與爲伍翩翩金精峯相逐有毛羽

漢帝亦多情酒酣思猛士懷悲大風歌辭與招魂似韓彭皆  
已亡慷慨不可止泣下爲淮陰非是悲遊子刻薄鐘室誅終  
古帝王恥忍以英雄人以與兒女子

過大梁作

浮雲無歸心黃河無安流神魚騰紫霧蒼鷺擊高秋類此雄豪士滔滔事遠遊遠遊欲何之驅馬登商邱與侯羸飲暮爲朱亥留悲風起梁園白草鳴颶風揮鞭控鳴鎬龍騎如星流超山逐羣獸穿雲落兩鷺歸來宴吹臺酬舞雙吳鉤驚沙翳白日垂涕向神州徒懷匹夫諒未報百王讐紅顏漸欲變歲月空悠悠

望五老峯

飛翠如煙雨秋來山色濃夕陽一返照明滅金芙蓉獨燭此亭月將尋何處鐘石凹精舍近早晚巢雲松

開光寺樓作

向夕樓中卧天風忽起西不知吹瀑水飄落幾重谿牕小雲

爭入林深雪已迷無人愛幽獨來共覩猿魄

從軒轎宅入迷居洞

曉起囊珠峯行行花影重林鳥飛落月山鬼嘯寒鐘野飲芝  
泉冽秋衣竹翠濃昨宵逢道士疑是七星松

松林

松林二三里掩映帶平沙煙火不知處茅茨時一冢野衣無  
數葉山巒絕多花樵路隨春草盤盤上嶺斜

寄何子

病裏知秋早涼風生鬢絲夢隨林葉落心與海雲遲明月不  
長滿青山空有期斜陽在南浦每憶送君時

馬陵

俯挹中州盡河山表裏來天懸句注險水剗孟門一笑雄  
圖失長歌故國回遙從狐突廟直下馬陵臺

寄桐岑子

雨雪悲年暮山川愛浙東平生一明月飛入鏡湖中自拂懸  
天柱清琴響碧空期君揚帆至相接有樵風

送何子往桂林

桂林襟五嶺山盡翠成嵒去逐湘江北歸從灕水南故人待  
徐孺太守是嵇含巖穴多向漏行春共玉驂

遊太倉張氏學山樓

城裏多邱壑名園更學山何來峯十二風雨恐飛還抱石雲  
長冷流花水不聞人疑太湖上銷夏第三灣

入秋鄉江作

欲雨水風起白雲初滿船秋鄉多落葉一半逐流泉白鳥一  
溪影人家幾處煙片帆平嶺過驚起鷗鵠眠

寄蕭山張杉

聞君白魚潭蘆花秋半含持竿皎月下沽酒寒溪南我欲遊  
天姥因之結草菴會當遣雙鶴來此迎蘇耽

重至白門宿余鴻客山堂作

白下嘵烏地愁人自六朝秋聲將落葉此度益蕭蕭山鬼弄  
魂夢草蟲悲寂寥那知垂老客有道在漁樵

琴臺

二月春風發梅花滿洞庭美人乘畫舸采采入香溼潮生胥

口白雪盡莫釐青何處弔西子琴臺碧玉屏

桃溪

夾岸蒙茸竹枝有鳥嚦夢飛芳草外愁在夕陽西水驛連  
三峽人家各一溪女郎祠畔望煙雨一秋迷

綠樹

江南芳樹滿色似水波鮮一半爲楊柳風吹綠漲天長因新  
葉好益念故花妍黃鳥藏何處聲聲總可憐

自胥江上峽至韶陽作

六六玉芙蓉鳴琴知幾峯如何百蠻狩不遺二妃從絕徼餘  
城闕荒祠尚鼓鐘月明瑤瑟至應淚水雲重

浮湘

兩日隨蘭槳青青紫蓋峯五峯江倒映水底盡芙蓉蒼翠楚  
天好微茫湖口重洲邊采香草湘女暮相從

蘇來曲

緇鬢欲成絲多因生別離無情是瑤瑟未及曲終時魂夢滿  
三楚雲山紛九疑天邊無限樹總是一相思

唐晉王祠幕

何代丹青妙雄姿動武皇精靈猶白日弓劍已秋霜石馬嘶  
風急沙河繞塞長應州金鳳井霸氣共蒼蒼王有畫像武宗取入大內

懷同岑

空翠洞庭陰松風吹滿林白雲不可見日與數峯深聞在毛  
公洞時時拂素琴秋來摘朱橘霜露溼衣襟

惡少

長劍短刀鋒鏗  
并惡少年馬頭懸落日  
鷹眼射高天並飲桃花店  
齊彈白絃絃胡姬量酒罷調笑索金錢

送顧憲人

雁門北接常山路爾去登臨勝概多  
天上三關橫朔漠雲中八水會渾河  
飄零且覓藏書洞慷慨休聽出塞歌  
我欲金箱圖五嶽相從先向曲陽過

杜曲謁杜子美先生祠

城南韋杜滿川濱工部千秋廟貌新一代悲歌成國史二南  
風化在騷人少陵原上花含日皇子陂前鳥弄春櫻契平生  
空自許誰知詞客有經綸

金山口恭謁天下大師墓

讓帝飄零海嶠東龍歸猶識未央宮風雷豈敢疑周旦禾黍何當怨狡童父老爭迎靈駕錫山河如乘鼎湖弓傷心陵墓無封樹秋草離離白露中

平臺

在天壽東山口內一里成祖嘗駐蹕焉嘉靖十五年命作亭於上名曰聖蹟十七年四月駕幸平臺祀成祖於臺中

翠聳紅旗去不還平臺一片朔雲閒宮邊流水通諸口陵後黃花控二關俎豆中宮修漢臘松楸南國慘天顏玉環何日歸廷尉流落龍沙戰血斑

宣府道中

花園北抵鴛鴦灘一路闊底往蹟多恒嶽白雲連上谷桑乾

春水接洋河紫鬪日市牛羊入紅粉時吹簫築過此度關山無內外漢時空費羽林戈

宣府弔古

遼后宮臨鎮朔臺明君祠傍拂雲推天寒鴈隼三關落日暮牛羊四野來幾日玉鑾榆木返無邊毳幕上都開遼東一臂連宣府誰使寧王罷鎮回

大同作

飲馬東連白道泉桑乾西接紫河煙何年代邱淪秋草幾處秦城出遠天事去英雄羞一劍時來遊俠喜三邊哀笳莫奏思鄉曲都尉臺前月正圓

采石題太白祠

才人自古蛟龍得太白三閭兩水仙詞賦已同雙日月精靈  
還作一山川江間絕壁丹青出木末飛樓俎豆懸千載人稱  
詩聖好風流長在少陵前

墨胎

九世商侯是墨胎盟津肯爲武王來千秋書紙堪爲法二代  
無臣正可哀灑水風悲孤竹里首陽雲掩采薇臺黃農虞夏  
歸無處多事天生十亂才

見月有懷

知爾城南婦愁心欲寄難故將樓上鏡懸與藁砧看

湖上

春草接姑蘇春煙望漸無愁心與春水流滿莫愁湖

寒食

煙雨催寒食江南又暮春可憐三月草看盡六朝人

天邊

天邊明月迴含霜夜夜哀笳怨望鄉一片愁心與鴻雁秋風  
吹不到衡陽

客雁門作

三年作客傍滹沱聽盡哀笳出塞歌白髮不驚明鏡滿秋霜  
只怨雁門多

陳恭尹 三十四首

恭尹字元孝廣州順德人侍郎邦彥子有獨漉堂集

七卷

彭士望耽躬堂集獨澠堂詩稿  
兼握手觸肩倚算

不中音意格潤成發人神悟

漁洋詩話南海者舊屈大均翁山梁佩蘭藥亭陳

升

元孝齊名號三君元孝尤清迥絕俗如離憂在湘水

古色滿衡陽映花谿路閉漱水石根虛桃柳過雨

垂空地玳瑁乘湖上古城家山小別吟兼夢水驛多

情浪與風皆得唐人三昧

居易錄元孝寄余詩索南海集云酷似高人王右丞

登海乘槎會獨到越山懷古記同登南來新詠多

如許紙貴衡陽寫未罷予乙丑別於佛山今六年矣

元孝詩如積雪迴孤棹寒湘共此心積雨江漢綠歸

心楊柳初三徑草生殘雨後數家門掩落花中皆唐

賢佳句也

靜志居許話元孝降志辱身終當進之逸民之列其

自序寥寥云志學以往皆爲患難之日東西南北不能

多辭取諸胸臆者爲多而稽古之力不及其辭可云不

言

又自詡矣論其詩品雖稍遜於翁山然翁山祇工五言

張羅其味厚若元孝之諸體相稱也

其氣蒼長乃謂之沈梅村獨澠之詩骨

屏聽松齋詩話詩以沈爲極詣沈不在貌其骨

辛酉卷十一

昔沈梅村沈麗獨澆沈聲  
田按元幸詩溫雅有則身際滄桑多感憤之言而音  
調仍歸和平則澤古者深也

瑯琊王歌

寶馬鳴春風馬上人如龍下馬道名姓言是廣平公

行路難

君不聞蜀山多陰稀見日羣犬吠之盈萬室又不聞野人有  
婦一目偏出見舉世皆不妍是非好惡何有定昨者高岸今  
爲淵勸君且自酣盃酒勸君不用狂開口正言自古有戈矛  
上士聞之皆卻走

感懷二首

事君如四時成功者爲客君子慎其言祇以求忠益小人躁

於名噭噭沾其直疚疚卒不除上下成乖隔爲臣固當戒爲君獨宜擇曲突弗先圖頭額爲焦灼忠言有如鴉佞言有如鵠鵠鳴人所喜鴉鳴人所嗜

覽鏡在中夜莫辨影與形人苦不自知所賴友與朋圭璧貴攻瑕龍阿期發硎如何末世士懷利忘平生責望疑似間讒聞忽然興陳張交里門白刃生王侯富貴尙相負貧賤甯相能結交始以義全交終以明安得兼黃金以鑄鮑子靈

雜詩

商風自何來白雲起秋色梧柯下一葉百卉萎未息天地方疾威美者先受抑捐生故有人困餒焉足惜豐此百年軀祇爲蝶蟻德

遊七星巖

立馬眺平蕪蘆蕭見蒼壁不知何處雲飛作茲山石嵯峨各異勢紛詭非一色旁通類戶牖中虛成室宅藤杞上鬱盤石乳下涓滴時聞鐘磬鳴宛若仙源隔靈峯互蔽虧微徑緣空隙頗疑混沌初有此機巧迹遨遊茲已厭歲月眞如擲川原無古今世事空疇昔徘徊倚層巔北風感行客

登羅浮

入桂秘南經雙山雄粵偉哉昔所聞於今覩其狀彌天列青靄絕地聯層嶂掩苒草木平陂陀谿谷壯誰言盛積阻極目何超曠雲巒時絕續泉聲日奔放飛樓候朝暾倒影排溟漲相傳蓬島來真矣陶唐尙事往誠莫稽迹湮理無妄擣禽

應曰杵暗虎懷仁讓蟲書篆符竹蛇化遺衣朽翳維羽人宇  
借此餘風暢陰崖饒異產神藥茲靈藏名遺炎帝書類絕稽  
含訪伊昔休明會位與王侯抗時勤玉璽封未昧高山嚮望  
秩禮久虛旱魃人猶仰我來仲夏月溽暑陽方亢卧聞夜來  
雨飛出龍池上何因需九州蒼生企靈盼

沖虛觀

浮生無百年胞質今二毛言尋仙人居焉憚登陟勞褰衣道  
澗曲轂棹逾平泉輕風澹餘雲仰見巖岫高真宮殿峻宇飛  
陛凌層霄羣峯列垣墉眾壑深溪橋石池曜紅蕖乳竇凝金  
甃緬懷著書人丹書樂南交幽洞俯日月天路流雲璈慮釋  
神必凝理得形自超安知後來者澹蕩非吾曹

西樵遲蔡良若

朝起望山路雜花虧蔽之日暮有來人而非心所思子行亦不遠曰歸何乃遲清溪日灑濯猶恐衣裳濡

柏舟行爲區母陳太君賦

太君愧義陳太夫之女也許適見五區大夫之子寶宸文學文學早卒太君當未笄之年矢靡他之節于今五十矣同人嘉其志有成繪圖爲祝予旣爲之序復作此歌

柏舟兩髦猶可儀陶嬰黃鵠曾雙飛夫人爲婦已頭白眼中未識君容輝自言生長大夫女經史胸中炳如炬父母有命兒有心縱不言承已心許心期頡頏同一林天教殊絕成辰

參人生意氣貴一諾妾能負天不負心妾父有男妾有姊君家大夫君一子有妻於俗得立孤無妻爲殤終已矣秦車白馬入君門絲來爲義非爲恩身安分命甘如薺半生衣枕無曬痕當年十五今五十嗣子成立皆有孫嗚呼陷胸絕脰死容易就義從容人所畏青闥冉冉盛年徂誰能誓死終不渝千金之劍贈樹墓至今談者猶區區何況贈以千金軀乃知未仕報韓者古今所以爲丈夫

發舟中湘將登南岳

芳草綠未已孤舟發南湘還當上已日遠適衡山陽石積水光碎竹多風響長客途春有酒波蕩感浮觴

歸舟

積雨江漢綠歸心楊柳初芳菲空復爾少壯已全虛白髮何  
難得青山不易居從今向田里所懼世情疏

游尹灘柱銓部園林

曲渚平無浪扁舟晚不歸如何垂綬客亦有釣漁磯天月欲  
隨我水雲微上衣小童輕把棹莫使白鷗飛

贈袁偉振林叔吾

珊瑚洲畔柳可以贈依依自我此爲客而君遂不歸夜吟銷  
盡燭春雨共寒衣未別先惆悵他宵明月輝

次鳳陽逢中秋

未到閩清酒早投城北闖莫令亡國月得照渡江人世薄功  
名士秋銷戰伐塵餘生付樽杓留醉上車輪

漫興

借屋增江口悠悠十八年力窮羣籍內身老眾人前曲巷來  
風滿閒門得月偏有生同是寓終戀暮邊田

冬草

無論南與北一縷白蓮門豈不怨遲暮曾承天地恩遠風疏  
勁葉春色歇寒根獨立觀元化悠悠何所言

藤簟

一片燕山雪千枝海上藤結爲幾萬字字字續成冰縷結長  
欺鬢光寒不集蠅暑天南地上從此絕炎蒸

八月十夜泊舟長淮闌懷故園別者

長淮今夜月此是故人心萬里送行者徘徊楓樹林維舟悵

前浦把酒戀同斟  
自我不相見  
知君愁至今

送濂上人

濂公到城久  
忽憶邱中琴  
積雪迴孤棹  
寒湘共此心  
獨歸紅樹外  
相待碧雲深  
借問茅菴路  
衡山在隔林

葉世穎重之中湘茅屋行後有寄

楚國木葉下  
西風行有霜  
離憂在湘水  
古色滿衡陽  
幾日歇蘭棹  
此時閒草堂  
山川教兒子  
指點洞庭傍

同何不偕梁器圃魏和公梁藥亭陶苦子宿靈洲山寺

東王說作王大雁

靈洲秋色淨  
無煙水面山  
闊浪面天落日  
客尋江上寺  
出林僧放月中船  
漁依別港燈  
復闕鶴宿高巢  
影在泉欲與故人

同夢到夜來吟咏不成眠

寄程周量

微省仙郎安好無別來三見落庭梧西風不盡雁初下明月  
相思天一隅內詔寫歸金鳳紙新詩擊出木難珠故人落魄  
南江上穩繫藤蓑作老夫

送家中洲之青原訪藥地禪師

老依江徼謝名稱門徑蒼苔日漸增違興忽生黃菊節舊心  
期對白頭僧吟過曉岸風千樹舟並寒山夜一燈想到吉州  
攜手地石橋新瀑半爲冰

夜起西山草堂口占別吳又札梁暉若梁亮勵

無成三十老漁蓑舊國深慚此處過生計未知何事好詩篇

惟覺別人多高城曉角收涼月  
歧路西風長白波猶幸交親  
不相棄夜燒銀燭爲悲歌

發舟寄湛用階鍾裴仙湛天石

扶胥古渡水漫淒雨後移舟望轉迷城口  
寄居秋草外一身爲客水雲西家無兄弟依良友  
地夾河山畏鼓鼙知已片言應不負亂離妻女藉提攜

送任克家歸皖江

楚國千峯入小樓闌干環映大江流  
夢中明月經年別歸興吳山昨夜秋菊徑乍開人並上  
秫田多熟酒新篤家閨樂事遙堪羨作賦潘郎未白頭

夏至夜卽事

初晴天氣便炎蒸小閣風多最上層臘酒舊藏椎髻婦春茶  
新惠住山僧頻探落月移湘簾自惜流螢掩夜燈一歲算來  
今夕短老夫猶爲幾回興

鄴中

山河百戰照終分歎息漳南日暮雲亂世姦雄空復爾一家  
詞賦最憐君銅臺未散吹笙伎石馬先傳出水文七十二墳  
秋草遍更無人表漢將軍魏書明帝紀注張掖柳谷口有開  
石得五馬文曰大詩曹此魏晉代  
興之符也

聽松齋詩話獨派先生七律尤多傑作鄴中懷古一篇議論含蓄鏗鏘自然七律到此地步所謂代無數  
人人無數篇者也

明妃怨

生死歸殊俗君王命妾來莫令青塚草生近李陵臺

江上曲

雙蛾畫不成十五背娘行獨自搖蘭槳橫塘看月生

東湖曲二首

大石樓連小石樓上樓遙見珊瑚洲洲邊花艷誰家女笑擲  
紅菱打白鷗

垂楊橋晚歸人小近水亭高遠岫孤正是郭西難畫處淡煙  
疏樹似倪迂

陳子升三十首

子升字喬生南海人侍郎子壯弟弘光時以明經舉  
第一隆武改元拜中書舍人桂王時拜吏科給事中

遷兵科右給事中有中洲草堂遺集二十六卷

有學集喬生學殖富有才筆日新以風雅爲第宅以

騷選爲苑囿編綴絃蒙檠集肆南海文忠公肝膽

告余有火攻伯仁之歎

靜志居詩話喬生古詩愛仿玉臺金樓五律規摹太

白浩然時有單行之句然其心慕手追者區海目也

順德薛始亨岡生序其詩云洪永成弘迄天下之

詩數變獨專中猶奉先正典型自孫典籍以降代有

哲匠未改曲江流風庶幾哉才術化爲性情無媿作

者矣此善言土風者

梁佩蘭六鑒堂集中洲先生詩有時空諸所有有時

實諸所無有時高唱入雲有時舟迴蕩漾有時天然

頽放有時簇錦攢花間或嗜險驅奇畢竟雅人深致

田按喬生早擅才華晚歸閒寂集中諸體各有擅場

五律尤有明珠走盤彈丸脫手之妙

短歌行

有酒盈樽嘉賓在門直須延坐庭光已昏悲當用歎脣亡齒  
寒魯酒伊何園彼邯鄲瓶之罄矣惟曩之恥人生何爲憂來

不已蕭蕭暮風吹我欄櫂悲滿君懷醉顏不紅交交好禽枝  
間好音胡不如鳥人各有心鶯嬌始簧燕狂以盼斷鶴續鳬  
云胡短長琴則可歌笙則可吹惠而好我與子同衣

行路難

我奏瀟湘二妃之寶瑟西母白雲之仙謠易京君明之龍笛  
秦臺弄玉之鳳簫君家堂中旣浩侈洞房複帳留相調中有一  
人字白雪鳴蟬兩鬢鳳凰翹未許千金韓挾彈徒逢十八  
賈登朝寶帳三千萬阿那使君五馬蹀蹀驕珊瑚懸鉤出海  
底自言寡向上宮要妙聲絲竹迭無間羅帳忽已從風飄弱  
翠窗疏眉語度蓮花帶弱精魂搖鑿郎區區復叩叩荆王暮  
暮復朝朝金卮滿飲稱旣醉思君此事非松喬人生壽命當

有盡焉如靈匹望河橋

雙鏡辭

照鏡欲照雙雙鏡莫當窗窗前花復柳鏡影殊難偶一鏡見妾容雙鏡見妾背鏡尙見妾背妾面郎安在雙鏡亦徒然破鏡飛上天

感遇

百年能幾時何不逍遙遊欲絕塵土迹且居明月樓高情屬遙漢延睇舒層邱待我凌雲翔與子談九州

玄墓山探梅

寒浦入輕舟春山引孤策煙開見飛鳥雪澹無形迹仄徑援山臂高根逗泉脈旁臨鄧尉卑迴望閭門窄日照寺微紺湖

澗梅盡白諸天恣花供大地成香席石壁張丹青茶山啜雲  
波悠然遂終日歸路思彌繹

屈道人歌

雲中龍變化隱隱見其麟支公與林師髡  
足采蘭蕙僧伽未必非靈均屈上人天下士雜佩芳菲吾與爾  
遠遊高舉今在此只今吾見化鵠歸來之蘇耽誰解昨日出關猶龍之老子

昌華苑

南漢風流地芳湖山帶湖芙蓉依殿腳楊柳近宮腰一往多  
疑塚千年不復朝空餘化蠻草暮懸彩虹橋

明妃怨

物色歸驕虜蛾眉鎮獨艱遷延上馬地決絕貫魚人簪篋風  
相切琵琶語不真君王有飛將妾是玉關塵

上已海日山禊飲

羽觴何處流飛渡羽人邱斗酒黃鸝語山枝青翰舟春霞烟  
霧氣波蕩古今愁楚水長相接言歸芳杜洲

寄無可大師

平生耽城友當世白蓮師金策搖何處碧雲愁暮時月臨無  
盡界鳥擇最高枝同病還同老浮沈愧所知

黃石公祠

累書傳孺子黃石是吾師何事穀城道披榛尋古祠風生雕  
虎嘯日落蹇驢疲濟北遙遙去鶴鳴何處期

秦溪獨往率爾遺懷

林香迎杖發一路落橙花復被鳥聲引溪南人幾家喧風吹  
日動細水向人斜卽事可深悔平生自鼻鷄

感秋

故人書不至邊雁度梅關月色江湖上秋聲枕席間霜清九  
曜石木落二樵山獨向南樓眺知子鷗鷺閒

石埭訪姚六康明府

白筍陂前路長吟聞玉人琴堂時一望雨霽九峰新野寺弛  
官禁江樓納客身還憑仙鳥力能使入山頻

贈呂半隱常博

巴江隱隱流豈是湖江秋君住湖山曲峩眉天際頭雲松巢

獨鶴沙嶼過羣鷗千里諭膠漆真堪此處投

長興大雄寺聽吳仲徵彈琴

古寺過從密秋心不待言鳴琴簫裏出歌鳳指端翻獨作高  
閣嘯猶嫌鄰磬喧當撫盡溪上彌向老梅根

客長興時京口李司直自卞山買舟相尋

浮萍各自飄折簡不煩招知有五千字來從丁卯橋迎名已  
東郭訪古尙南朝想借天人供禪房慰寂寥

金陵

六朝君莫問千古併生愁宮似咸陽劫江勝洛水流鶴鸞何  
日散蘆葦颯然秋獨有秦淮月時時照客舟

贈脂落上人住景泰寺

常時住山意獨與老夫諭曾屬恆相外雲峯覺爾尊向人求  
箇笠並鳥過松門度得中餐飽疏泉注茗根

上已蒲澗偕諸子

異地蘭亭會春郊蒲澗遊杖隨清瀑引觴帶白雲流旅食忽  
三月狂歌仍一邱何煩修禊事靈境卽闌憂

答陸道甫

陸郎金散盡蕭索對斑駢踏遍重關草空餘兩鬢絲春芳一  
以歇陰雨況淒其世故還相見披襟似舊時

相逢行

相逢君不見疏柳對黃昏水畔鴉頭破廬閒犧鼻禪與雲兼  
送目爲草亦交魂未得通媒妁微私曷敢言

閱袁公安卽事起語云箇是春江舊舞樓海棠花下小  
梁州愛其尖麗效而小變焉曰箇是

箇是春江絕艤船芙蓉塘外小遊仙偶看竹淚回雙袖令譜  
楓香入四絃細馬馱來羞虢國流螢驚起隔韓嫣東南亦有  
秦家女白日高樓只愛眠

咸陽

羸馬垂鞭氣亦豪關門勝蹟莽相遭錫來鶻首霸秦繆會去  
鴻門與漢高三輔依然環帝里二崤不動表神皋少年卻在  
遠林下閒臂角膺新放條

金陵

秦淮新月浸微波曾咽當年玉樹歌雙闕荒涼山鳥至六朝

煙靄寺僧多桃迎渡口春無限蘋采江南晚奈何莫把鬢眉  
倚紅粉酒樓高絕客顏酡

自贈

好處都非外物成自看不解自心情談詩起舞忘垂老聽梵  
悲來感宿生半日尙沾曾戒酒終身拌別舊居城人家積穀  
塵皆滿獨埽明窗花裏明

訪李生池館

桃榔里外薜蘿陰隔一溪居便自深書屋總抛蔬地置詩人  
多過板橋尋閒書野事收山葉偶喫家僮聚水禽多少名流  
空眼底得無迂拙屬知音

贈蕭孟昉

心過虔江汨汨流一峯晴處且夷猶名家彭蠡湖西著姓氏  
梁皇寺裏留園列邸莊皆歇馬池分沙漱各眠鷗藏書自祕  
誰看得閒說高僧共一樓

罨畫溪寄慎旃副憲

門當水郭隱湖灣秋憲家林自愛閒偶出總經騷客地端居  
能鎮道場山座參奇石聆深語酒對禪僧發靜顏頓使嶺南  
歸思緩刺船仍約罨畫溪還

望圭峯

圭峯厯厯樹燈殘回首岡州落照寒欲上峯頭散愁思厓門  
東下水漫漫